



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

12 մայիսի 2020 թվականի թիվ 141 - Ա

**ՏԱՎՈՒՇԻ ՄԱՐԶՈՒՄ 2020 ԹՎԱԿԱՆԻ ԱՄԱՌԱՅԻՆ ԶՈՐԱԿՈՉ
ԿԱԶՄԱԿԵՐՊԵԼՈՒ ՄԱՍԻՆ**

Ղեկավարվելով «Զինվորական ծառայության և զինծառայողի կարգավիճակի մասին» Հայաստանի Հանրապետության օրենքի 19-րդ հոդվածի 4-րդ և 25-րդ հոդվածի 1-ին մասերով ու «Այլընտրանքային ծառայության մասին» Հայաստանի Հանրապետության օրենքի 6-րդ հոդվածի 1-ին մասով, ի կատարումն Հայաստանի Հանրապետության կառավարության 2020 թվականի ապրիլի 23-ի «Շարքային կազմի պարտադիր զինվորական ծառայության 2020 թվականի ամառային զորակոչ հայտարարելու և զորացրում կատարելու մասին» թիվ 593-Ն որոշման պահանջների՝

ո Ր Ո Չ ՈՒ Մ Ե Մ.

1. ՀՀ ՊՆ զորակոչային և զորահավաքային համալրման ծառայության Տավուշի մարզի N1 և N2 տարածքային ստորաբաժանումների ղեկավարներին.
 - 1) 2020 թվականի ամառային զորակոչն անցկացնել սահմանված կարգով 2020 թվականի մայիս - 2020 թվականի օգոստոս ամիսների ընթացքում հաստատված գրաֆիկով՝ ապահովելով նախատեսված թվաքանակը,
 - 2) ժամկետային զինվորական ծառայության զորակոչից խուսափող Հայաստանի Հանրապետության քաղաքացիների վերաբերյալ նյութերը սահմանված կարգով տրամադրել Հայաստանի Հանրապետության ոստիկանության համապատասխան կառուցվածքային ստորաբաժանումներին:
2. Առաջարկել ՀՀ Լոռու կայազորի զինվորական դատախազությանը.
 - 1) քննության առնել ՀՀ ՊՆ զորակոչային և զորահավաքային համալրման ծառայության Տավուշի մարզի N1 և N2 տարածքային ստորաբաժանումների կողմից տրված տարկետումների, զինվորական հաշվառումից և գրանցումից դուրս գրվելու և արտոնություններ տրամադրելու օրինականությունը,
 - 2) ՀՀ օրենսդրությամբ սահմանված կարգով անհրաժեշտ միջոցներ ձեռնարկել զորակոչից խուսափողների նկատմամբ և իրավասու պետական մարմինների միջոցով հայտարարել հետախուզում:
3. ՀՀ Ոստիկանության Տավուշի մարզային վարչությանը.
 - 1) ապահովել զինակոչիկների անվտանգ տեղափոխումը և հասարակական կարգի պահպանումը զորակոչային տեղամասում,

2) ապահովել մարզի տարածքում և մարզի տարածքից դուրս գտնվող զորակոչիկների որոնումները և նրանց պարտադիր ներկայանալը զորակոչային տեղամաս,

3) զորակոչի ընթացքում զորակոչիկներին փոխադրող ավտոբուսներին ուղեկցելու համար զորակոչային տեղամասին կցել ճանապարհային ուստիկանության անձնակազմեր:

4. ՀՀ Տավուշի մարզպետարանի առողջապահության և սոցիալական ապահովության վարչությանը.

1) ՀՀ ՊՆ զորակոչային և զորահավաքային համալրման ծառայության Տավուշի մարզի N1 և N2 տարածքային ստորաբաժանումների հետ միասին համալրել հանձնաժողովները բժիշկ մասնագետներով՝ նախապատրաստելով պահեստային բժիշկներ և անհատական կազմը ներկայացնել ՀՀ առողջապահության նախարարության հաստատմանը,

2) ՀՀ ՊՆ զորակոչային և զորահավաքային համալրման ծառայության Տավուշի մարզի N1 և N2 տարածքային ստորաբաժանումների հայտով զինակոչիկների ֆյուրորո /ոենտգեն/ զննում, սոնոգրաֆիկ հետազոտում և կանխարգելիչ պատվաստումներ կատարելու նպատակով հանձնարարել մարզի առողջապահական համակարգի բուժկանխարգելիչ հաստատություններին՝ ապահովել անհրաժեշտ քանակով պատվաստանյութեր, ֆյուրորո /ոենտգեն/ ժապավեններ և երևակման նյութեր, ինչպես նաև իրականացնել նոր կորոնավիրուսի (COVID-19) տարածման և զինված ուժեր ներթափանցման դեպքերի կանխարգելման անհրաժեշտ միջոցառումներ:

5. Մարզի տեղական ինքնակառավարման մարմինների և կազմակերպությունների /անկախ կազմակերպական և իրավական ձևերից/ ղեկավարներին.

1) քրեական պատասխանատվության կանչված և հետախուզման մեջ գտնվող զորակոչիկների ցուցակներն ստանալուց հետո նրանց նկատմամբ կիրառել աշխատանքային, տնտեսական և այլ ոլորտներում՝ Հայաստանի Հանրապետության օրենսդրությամբ նախատեսված սահմանափակումներ և գտնվելու վայրի մասին անհապաղ իրազեկել իրավասու պետական մարմիններին,

2) իրավասության սահմաններում ապահովել Հայաստանի Հանրապետության զորակոչային տարիքի քաղաքացիների ներկայանալը ՀՀ ՊՆ զորակոչային և զորահավաքային համալրման ծառայության Տավուշի մարզի N1 և N2 տարածքային ստորաբաժանումներ:

6. Մարզպետարանի տեղեկատվության և հասարակայնության հետ կապերի բաժնին՝ նդլայնել ռազմահայրենասիրական աշխատանքների լուսաբանումը տեղական և հանրապետական ՋԼՄ-ների միջոցով:

7. Սույն որոշման կատարման հսկողությունը հանձնարարել մարզային զորակոչային հանձնաժողովին:

5/12/2020

X



Signed by: CHOBANYAN HAYK 1503730050
2020թ. մայիսի 12
ք. Իջևան

Կ Ա Ձ Մ

ՀՀ ՏԱՎՈՒՇԻ ՄԱՐԶԻ ԶՈՐԱԿՈՉԱՅԻՆ ՀԱՆՁՆԱԺՈՂՈՎԻ

- Հ. Չորանյան - ՀՀ Տավուշի մարզպետ, հանձնաժողովի նախագահ
- Կ. Յուցուլյան - ՀՀ Ոստիկանության Տավուշի մարզային վարչության պետի պարտականությունները կատարող
- Մ. Հովհաննիսյան - ՀՀ ՊՆ ռազմական ոստիկանության Իջևանի ռազմական ոստիկանության բաժնի պետ
- Ա. Ղազարյան - ՀՀ ՊՆ ռազմական ոստիկանության Բերդի ռազմական ոստիկանության բաժնի պետ
- Կ. Հարությունյան - ՀՀ ՊՆ զորակոչային և զորահավաքային համալրման ծառայության Տավուշի մարզի N1 տարածքային ստորաբաժանման ղեկավար
- Լ. Բաբայան - ՀՀ ՊՆ զորակոչային և զորահավաքային համալրման ծառայության Տավուշի մարզի N2 տարածքային ստորաբաժանման ղեկավար
- Գ. Մատինյան - Զորակոչային հանձնաժողովի քարտուղար, Տավուշի մարզպետարանի զորահավաքային նախապատրաստության բաժնի վարիչ